

四庫全書

集部

欽定四庫全書

集部  
康齋集卷一

詳校官編修臣李堯棟

中書臣劉源溥覆勘

總校官知縣臣繆琪

校對官學正臣蔡必昌

謄錄監生臣桑英

欽定四庫全書

集部六

康齋集

別集類五

明

提要

臣等謹案康齋集十二卷明吳與弼撰與弼字子傅臨川人天順元年以忠國公石亨薦徵至京師授左春坊左諭德辭不就職詔行人護送歸其集初刻於撫州凡四卷歲久漫漶此本乃崇禎壬申江南提學副使陳維新

所刻分為詩七卷奏疏書牒著一卷序一卷  
記一卷日錄一卷跋贊銘啓墓誌墓表祭文  
一卷其詩自永樂庚寅至正統辛酉皆編年  
以下則有洪都藁遊金陵藁適上饒藁金臺  
往復藁西游藁適閩藁東遊藁東遊饒州藁  
諸名而所注某藁止此之後又有附贊之詩  
蓋亦以編年續入者也與弼出處之間物論  
頗有異同尹直作瑣綴錄詆之尤力雖不免

恩怨之口然為石亨作族譜跋稱天順戊寅  
七月二十一日門下士崇仁吳與弼拜觀則  
其文今載十二卷中決非尹直所竄入陳懋  
德以薛瑄受知王振為解劉世節以孔子欲  
見佛肸為解究不能厭天下之心也其講學  
之功備見於目錄第一條即稱乙巳夢見孔  
子文王第二條又稱夢見朱子後又稱丙子  
二月初一日夢訪朱子五月二十五夜夢孔

子之孫奉孔子之命來訪辛巳食後倦寢夢  
朱子父子來枉顧此猶可云向慕之極因心  
生象於理或亦有之至稱新居栽竹夜歸其  
妻亦夢一老人攜二從者云孔夫子到此相  
訪則無乃其妻戲侮弄之而與弼不覺歟觀  
其稱隨處惟嘆聖人難學又稱一味學聖人  
克其不似聖人者其志趣之獨高在此其刻  
畫之過甚亦即在於此矣然與弼之學實能

兼採朱陸之長而刻苦自立其及門弟子陳  
獻章得其靜觀涵養遂開白沙之宗胡居仁  
得其篤志力行遂啓餘干之學有明一代兩  
派遞傳皆自與弼倡之其功未可以盡沒其  
詩文亦皆淳實近理無後來滉漾恣肆之談  
又不得以其急於行道速於求名遂併其書  
而詆之也乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀



欽定四庫全書

康齋集卷一

明 吳與弼 撰

詩

即事

永樂庚寅  
年十九

吟斷難成調，塵編重繹尋。  
興亡今古事，精一聖賢心。  
新月何時滿，寒蛩無數吟。  
夜深雙過鳥，猶自戀高林。

感懷

人歲恒難百光陰苦易過身心須點檢事業莫蹉跎豪  
俊今寧少庸凡古亦多要知賢不肖擇術在如何

自警

辛卯

讀書悟至言反躬屢紬繹頗謂無他歧立可超凡域云  
胡心自戕作事潛乖昔俯仰一長歎慚惶竟何極乃知  
真切功不可弛頃刻發憤矢自茲羣邪當遠迹聖途雖  
渺茫敢吝駑駘力誠當通鬼神志當貫金石

族叔父仲學先生春月承訪弼時賃房方定茲別

數月矣有懷寄詩

壬辰

憶昨烟花暖正繁  
遠勞玉趾到山間  
寓居蹤跡應方定  
入道工夫總未閒  
囊裏有書供月眼  
樽前無酒醉春顏  
別來新趣知多少  
透徹靈臺第幾關

臘月望日作

欲到大賢地須循下學  
工文章深講貫道德細磨礱

春夜

癸巳

十年蹤跡寓神州  
故國歸來更百憂  
事業有期空仰古

浮沉無計却隨流誰憐白日難停馭自覺秋霜易到頭  
多少慙慙孤負也欲從何處覓同游

宿白梅洲

道傍茅屋是誰家薄暮東來一稅車敗壁不堪題姓字  
時從籬槿看秋花

題柏已未

潤色還因帶雨榮柔枝未許拂雲橫風霜莫厭多經歷  
自古良材老始成

過南康

丙申

迢遞見危樓家家枕碧流山高雲氣近江闊浪聲浮事  
業懷先哲英雄慨昔遊幾多今古興斜日滿芳洲

寄梁訓導

未到都昌縣相思先計程連綿官舍飲浩蕩故鄉情柳  
色雨來長梅香霽後清極知期待遠別語細叮嚀

聞笳

扁舟晴泊枉渚沙葦苗滿目稀人家夜江漠漠星橫斜

東風吹鬢憐春華，隔江誰舫寂無譁。  
數聲悲響空中笳，響徹碧霄哀更加。  
悠悠綠水天一涯。

元日 丁酉

淑氣已回春，晴光遍八垠。  
學須年共長，德必日俱新。  
自得顏淵樂，寧論原憲貧。  
兩間期不愧，敢負百年身。

贈別王上舍

旅館相逢日，春風二月初。  
看花杯共把，對月榻同鋪。  
禮樂沾清化，風雲快壯圖。  
願公多令譽，綱紀在人扶。

與友人夜話

話盡情難極中宵眠更與古人俱已逝後進竟何成世  
路應皆醉吾儕豈獨醒幾回靜想遍無以答平生

夢洗馬先生

先生天下士遇我獨情親剪燭論心夜焚香讀易晨已  
私須盡克天理必全純惆恨春宵夢分明笑語溫

雙燕春日營巢

憶昨初開桃李花銜泥飛傍小窻斜春風一去無消息

何處歸來更作家

山中歌次王右丞韻

地寥夔兮山深聊棲遲兮林木欲寡過兮身輕日往來  
兮幽谷行愧兮交疎心悲古兮趣獨理桔槔兮灌園  
更蹇蘿兮補屋晨光澹兮觀魚夕陽收兮飲犢居從靜  
兮積塵歲願豐兮登穀戒迂學兮徇名嫌荒志兮干祿  
惟造道兮是期何富貴兮可卜

山行



野水荒村僻雲林細路斜晴松張翠蓋秋果熟丹砂帳  
望淹鄉曲蹉跎改歲華西風吹薄袂興緒繞天涯

訪胡徵君館所

行客林邊至高人籬外迎遠乘今日興細話舊時情涼  
夜一樽酒清秋半壁燈相看驚老大蹤跡共浮萍

雨中漫述

違侍親庭遠遷居此地新往來多故舊問勞總比隣屋  
破長防雨天寒早閉門卑棲聊自慰圖史共朝昏

松下

倦來更向山中憩  
滿徑松陰白晝長  
藉地不知孤坐久  
遺編又誦兩三行

感興

戊戌

月到芭蕉影半斜  
好天良夜興無涯  
金風聲滿千竿竹  
玉露光生一砌花

寫懷

悠悠萬古愁  
瞑坐無一語  
志須自強持  
仁擬誰相輔  
蕭

然環堵間沉吟寸心苦荒村秋思多斷續芭蕉雨

登擬峴臺

城據東南勝臺分襄楚名人烟紫近市竹樹雜長汀愁  
逐登臨散神因眺望清窮通看萬物未易達浮生

贈戴錦舟先生

尊酒黃城夜交期是偶然文章元共賞談笑劇忘年近  
臘梅初放凌寒菊正鮮同衾坐無寐高興兩綿綿

題四景畫

草樹風暄翠欲浮  
洞門深處野花幽  
素琴不許閑人聽  
山自巍巍水自流

瀑洗層崖淨世塵  
陰陰苔徑足南薰  
日長誰是山中伴  
袖手前溪立白雲

西風紅葉繞苔磯  
水冷烟寒鴈正飛  
浮慮盡消身寂寞  
得魚無意起竿遲

村雪寒凝夜色浮  
清江如玉著扁舟  
風流自得天然妙  
心跡何曾泥去留

墨梅寄同安李宜之

學疎才薄諒何為  
牢落塵蹤閱歲時  
祇有梅花共心事  
便風吹向故人知

曉  
巳亥

曉夢初驚覺春禽已亂鳴  
北風半夜雨東旭一窓晴  
道在心偏逸詩成氣轉清  
行藏信隨遇庶以達吾生

題欽雲詩卷

欽雲南望迥親舍  
孝思深川陸幾年  
客晨昏千里心春

風隨使節夜月照行襟養志古來重功名好自任

送饒提舉之官廣東

奉節承深寵之官過舊鄉親闌春廣大宦路日舒長嶺  
樹連雲合江流過雨涼倚門應有望鴈信好頻將

讀罷

隱几初收卷巡簷更出行晚雲隨雨散霽月近人明客  
久無違性身閒獨稱情榮枯何足問清白是家聲

睡覺

午枕睡熟餘情神喜宣  
朗窓含白日靜座納微風  
爽俯披聖賢書遺言如指掌  
至理諒易求良心貴有養安得  
同志人輔我加勉強

送嚴府判考滿

柳綠繞江頭薰風快壯遊  
萬山辭楚徼一水接皇州  
郡劇民俱化銓明課最優  
垂衣圖至治清問有嘉猷

簡戴錦舟先生

筆硯長為伍思深趣轉清  
看雲間隱几聽雨獨挑燈  
俯

仰求無愧窮通不繫情  
客邊微恙在襟抱  
貴和平

山中即事

水自幽偏山自深  
竹窻花牖晝沉沉  
逢人若問浮生事  
半是閒眠半是吟

曉出

際曉出柴扉  
清涼過雨時  
落花香滿徑  
芳樹綠成帷  
鳥啣有餘暇  
水流無盡期  
值予道心長  
歸咏正相宜

遊廣壽寺後園



新竹多垂籜高花正滿林雲蘿穿屈曲苔徑入幽深翠  
積叢茅暗青交雜樹陰劇便新結構端稱讀書心

秋曉

風來夜枕寒雲生曉窓雨旅思共秋清遙思故山侶

夢友

園林到何日羈旅念離羣擾擾一旬內依依兩夢君秋  
風黃葉下晴色白雲屯應有詩三百心期欲細論

柬陳進士

獨凭吟几坐清朝  
閒看行雲面碧霄  
忽憶故人秋寺裏  
西風琪樹雨瀟瀟

彙公房

入院先看竹  
逢僧不說經  
白雲方丈室  
清晝一孤燈  
積雨勻秋色  
殘陽報晚晴  
去留無定跡  
香盡拂衣行

寄湖西族叔父仲學先生

茅屋石橋西  
相親記舊時  
青燈近人早  
明月上窻遲  
物理推今古  
人情較是非  
笑談如昨日  
寒暑幾推移

贈別友人

惆悵一年別慙懃  
百里來冰霜苦節在  
宇宙壯懷開  
白雪傳新卷  
青春遞客杯  
紛紛楓葉下  
獨伴野人回

閱九韶吟稿

高枕微吟罷  
西齋獨坐時  
閒澄病中思  
細看別來詩  
點竄非吾事  
漸磨貴自期  
靈臺宜有養  
孟子浩然師

別湖西

送送長村外  
新詩詠不休  
浮雲日色薄  
隨地露華稠  
曲

徑緣林轉深溝帶葉流家山應暫住更得話綢繆

同鎖秀才道中即事

桑梓常留念蹉跎今始還行行減客路望望近家山膠  
漆故人誼風霜游子顏何能謝塵鞅高卧白雲間

題庸軒

物理本平常人心自渺茫細祛今古惑多漱聖賢芳風  
月清江曲園林古縣傍悠悠百年興良與此軒長

禪嶺即事

傍險躋攀倦臨高眺望賒天連蒼野闊樹帶小村斜晴  
靄山何處寒烟屋數家躊躇懷往事容易改年華

與鍾生同宿東陂

日落辭蓮塘東陂到已暝烟霧村徑微燈花茅齋靜細  
語夜卧遲月華發清興黃卷試一開琅然共歌詠

夜訪九韶

有客夜扣門微吟帶星立主人久青燈欣然肅而入勝  
境失追攀高堂更歡集丈夫襟抱開塵絆嗟何及

贈九韶

我與生契家懇懇常告戒退而省其私立志能匪懈相  
逢索居後新知頗超邁深培仁義根勢利無芥蒂

山居

偶坐柴門下得與衆山友雨後已芳潤雲開更竒秀澹  
然忘我形不覺沉吟久却憶平昔居於茲幾翹首

別九韶叔姪

我心日悠悠喜與故人遇相隨更過村同遊讀書處研

墨倩兒童頗得臨池趣  
青山一分手山留白雲去

即事

身外機事閒心地何優  
游晴行山水曲步遲境  
彌幽歷亂高鳥過散漫  
輕烟浮遺編幸在手微  
意仍相伴

遊南坑岡

松邊涉幽徑天青雨新  
霽矯首立崇岡疊嶂羅  
迢遞塵慮都淡然二儀  
足清氣妙趣匪言傳飄  
飄離人世

夜坐

青燈夜已分遺編味方永一唱而三歎轉覺寸心炯麗  
水金最精藍田玉偏瑩云胡苦茅塞久未臻斯境

即事

風威遍野號雪花滿空墜誰謂惜苦寒正喜兆豐歲紅  
爐坐終日黃卷靜相對至哉聖賢言妙契心自醉

感懷

孤燈讀已倦就牀聊偃仰平生所踐履歷歷時在想中  
道立苦難學問少勉強古人豈易期中宵獨愴恍



讀孟子

夜氣向虛朗剪燭更已深大哉仁義言沃我萌蘖心才  
質各高下性命無古今聖賢懇垂訓而我何陸沉

睡起

庚子

久客逢寒食芳年損病心幾時鳴雨歇終日落花深親  
夢凝官舍鄉魂繞故林晝長春睡起寂寂寫孤吟

閒述

靜裏生詩思閒中長道心自應尊櫝玉不省說籛金芳

金定四庫全書  
卷一  
樹流春色空庭落午陰日和風更澹此樂有誰尋

承葉別駕見訪奉柬二首

窓下書生報門前使客臨形容驚喜定情話別離深風  
月江山趣冰霜松柏心平生覓同調幾處得知音

白雪陽春調長吟莫厭多功夫既積累律呂自諧和江  
海猶疏鑿圭璋藉琢磨人生誰不學志向各如何

憶榮上舍

江館春相遇鄉心晚益知青雲持節日短褐省親時高

誰能分祿空囊只贈詩  
別來消息斷幾欲到分宜

買藥

生涯惟病絆人事與心違  
歲月一身晚江湖孤夢飛  
憂深多為道貧慣任無衣  
抱布街頭去新晴買藥歸

即事

欲識陽和景四時惟有春風光  
三月半霽色獨吟頻露  
葉渾如醉烟花不擇貧人心  
長自小寧解化工仁

感懷

金史四十八卷  
卷一  
易白顏回髮難升孔子堂常時思寡過終歲未成章萬  
物人皆備一心誰不良如何空潦倒甘讓昔賢芳

絕句

新詩盡日恣冥搜塵世悠悠任去留興到江山隨處覽  
不知身外有閒愁

楊柳

嬋娟楊柳枝烟雨涵芳姿託根近孤松蒼翠相因依頗  
謂顏色好可同歲寒期豈知霜未墜素葉先紛飛

圃內

長夏日已晚歸鳥皆投林幽獨悅茲圃把書行且吟花  
竹流芳淨蔬果生意深兩間有妙趣長契靜者心

四月四日

客牀起復眠中心悵遐慕嗟我庭中親茲旦惟初度豈  
獨別離深鬢髮久垂素形留空役神迢迢滯江路

宿章廣文館

虛齋罷清話拂牀事枕席青燈滅餘燼斜月流素壁弟

子富書聲感之增歎息沉痾久纏綿那由共茲夕

贈章廣文

俗情素寡合獨往欲無言伊誰寫湮鬱喜得章澹然  
蘿託世好金蘭契忘年青眼饒故意白雲多新篇顧茲  
蹉跎志懷古共勉旃

茂樹

古垣有茂樹婆娑廣成帷霜雪根本固雨露枝葉肥蒙  
密自昏曉靜愛衆鳥歸此物尚有容吾心諒何為

月夜憶友人

階除境向寂客思渺無依  
美茲風月夕正是懷人時  
欲叙平生心相見各未期  
百年若流水如何長別離

題畫馬

有客遣弟子持示雙馬圖  
丹青固妙筆所擬皆龍駒  
一龍嘶青雲一龍困鹽車  
逸氣含變態病骨森清癯  
既遭伯樂顧絕足迺得紓  
未遇善自保飽秣青山芻

遊北禪寺

金史卷之五十三  
入門聞花香傍砌看花色花香細而清花色潔以白薰  
風院深沉亭午人閒寂悠哉羲皇上着此忘機客

棲鳳竹

庭宇肅深沉蒼翠交梧竹衆鳥從紛飛時看鳳來宿

送人赴春闈

畫省身先達春闈氣正豪功名方自負闕塞豈辭勞黃  
道中天近青雲北極高臚傳知得意端笏繼夔臯

東朱學正先生



伊昔起予深相逢久別心老成欣德重薄劣愧年侵夜  
雨添新思秋風憶舊吟正期談笑密還念欲分襟

不寐

寒鼓三更後孤衾未睡時無窮身外事逐一靜中思聖  
域何由入靈臺久自私疎櫺霜月白愁况漫裁詩

覽舊遊

高樹春風花正開芒鞋曾記屢徘徊如今花落年光莫  
寒色斜陽又獨來

山中見梅花

茅庵深處路縈斜  
老樹遙看近臘花  
何事幽人吟未到  
遊蜂先已得春華

述懷 辛丑

風雨春天曉  
江山客夢醒  
浮沉誰共慰  
出處獨含情  
得善慚顏氏  
傳經憶伏生  
經過人事畧  
何意釣時名

春夜

千古興懷洙泗濱  
無由一接杏壇春  
自憐弱質生來晚

空作紛紛世上人

曉立

靈臺清曉玉無瑕  
獨立東風玩物華  
春氣夜來深幾許  
小桃又發兩三花

憶九韶

春泥滑滑陰連朝  
出門跬步難逍遙  
陽和黯然舒藹藹  
風雨倏忽來蕭蕭  
客懷思見故人面  
雲山阻絕誰相招  
故人隱居蘿谿曲  
殘書破硯甘寂寥  
奉親常懼歲月速

學古不使子弟驕躬耕低頭秋穀熟擊壤皞皞歌唐堯  
平生於我誼不薄松柏寧向秋風凋愧我崎嶇昧生理  
託身在處雲飄飄何時歸來葺茅屋與子共種黃精苗

出城

行行共吾姪誦詩出城郭白日皎青天風光勝於昨嶺  
外更峯巒村邊總花萼擾擾行路人誰識予心樂

新莊渡

渡頭舟已發隨意坐芳洲白石聊為硯題詩蘸碧流

道中作九首

臨渠愛流水試硯涉還歇  
起看碎米花疑殘去年雪  
眺望覺日遲經過忘前後  
牧唱兒童聞黃牛滿丘阜  
叢竹夾桃花清池映高下  
世上有丹青筆底誰能畫  
愛景時迴立烟村澹相對  
惆悵百年人此心幾人會  
呼童汲清泚怡然坐臨池  
誰能知我懷細雨來催詩  
人生得丈夫萬一幸為儒  
寸心含宇宙不樂復何如  
紙筆不暫離琴書恒自隨  
欲憂身外事何日是閒時

自序四庫全書  
卷一  
得詩萬事輕性達頻爵躍翹首吟未迴松風度寥廓  
微雨已滑途行客未堪住遙問讀書齋正在花深處

友人至

獨繞烟村來共茲玩雲月細雨夜已闌深意殊未歇

曉起即事

二首

夜思經世務神倦方熟眠晨朝氣清爽良心還炯然  
條風暖雨來晨烟村冥漠北牖時獨開紛紛李花落

錄詩稿

晴日鳥相喚，輕風花亂飛。  
紅塵休入戶，次第正抄詩。

客玩夜月

靜來悟道機，突與難言說。  
但得此心安，從處堪乘月。

縱步

幽花發清香，芳林漲新綠。  
閒聽山中禽，更倚籬邊竹。

友人至 二首

整屨欲有往，故人忽西來。  
盎然陽春懷，共向東風開。  
平生慕克己，茫然靡所獲。  
今日欣語君，至樂頗洋溢。

覺後

覺來氣宇澄開牖東林下缺月五更頭寒光皎清夜

村中即事

春光被四野行欣物華茂寂寂竹林邊幽禽語清晝

胡十見訪客館值予暫出承候迎村外遂相與叙

舊同宿得詩六首

歸步夕陽遲和風滿襟袖矯首清溪傍芳畦故人候

梅花殘臘時訪予五峯上詎知萍梗蹤春光此同賞



我歸驚十年回首如信宿惆悵謫仙吟人生鳥過目  
憶子有立年曾與論耿介吾今越斯境事業憐安在  
既罷溪上遊復向籬邊坐夜景良可人誰能即高卧  
交期相惠好青燈共斯閣話言雜今昔心事兼悲樂

晝寢覺

日淨風暄清晝遲綠陰啼鳥夢醒時閒窻筆硯無塵雜  
幽事宜人又得詩

讀中庸

一理存乎靜萬事著於微是以君子心戰兢恒自持

彈琴

寂寥春夜間几閣孤燈照邈爾形役忘絲桐正清妙

琴罷

琴罷詩興來殘燈獨揮筆因識聖人心澹然何意必

別鎖秀才

覓渡臨清流故人更同舟細語昨日詩別懷總悠悠送  
送山之麓春花多躑躅長揖東風前浮生兩相勗

夢嚴親

江山久離居薄養那得及髣髴何處庭承顏夢中立天  
性良固有深愛成長泣涕淚注莫收曉起衾猶濕

牛氏東軒

名花散竒香幽苔多淨綠清晝軒中人琴書自相續

感舊遊

石橋門巷落花深晴日光風鳥亂吟人事暗隨春夢換  
綠楊還似舊時陰

東徐廣文

學問無少長立志夫何如勉强柔即強情慢明亦愚光  
景勿云盛容易垂桑榆年侵勿自畫為仁果誰歟一私  
誠自窒蕩蕩斯廣居深切累日月聖賢途豈殊勉旃黷  
宮彥勇往毋踟蹰莫嫌瑣瑣言素心不能諛

上頓渡舟中

驅馳年少未應勞萬事無心任所遭收拾琴書辭故郡  
江山隨處是詩豪

夜坐

雨滴空階響燈懸淨壁明掩書人獨坐性達正惺惺

蘄春采芹亭同羅黃二廣文登

名亭極虛敞英友携登臨石池湛寒水茂樹圍幽陰久  
坐得勝趣劇談延賞心薄遊慶佳遇因以書狂吟

題一丘軒

予以客遊因訪故人傅秉彛于驛溪地甚幽僻  
林木森蔚條然有塵外之趣予極樂之秉彛亦

陶然有以適其居也翼日相與翺翔村外既浴  
而歸指其居之東曰平生種田此一丘耳予笑  
曰一丘固美宜以名軒秉彛亦笑而然之且請  
文以申其說鄙才不足以文聊賦小詩以復焉  
種此一丘田朝夕恒精虔衆草不敢穢瓜瓞斯綿綿

寄胡九韶

去家已十日作客無盡期悟道達浮生浩蕩隨所之榮  
枯藐毫忽得失輕銖鎰聞味聖賢道謾吟今古詩勝境

多獨得佳興良自知寄言故鄉友身心善矜持

謁濂溪晦菴二先生祠二首

孔孟微言幾欲絕先生千載續真傳偶經靈宇增新感  
遺緒寥寥苦簡編

平生慨慕古人深道味先生更所欽長恨無緣趨末席  
靈祠一拜儼如臨

夢親

欲寫離腸苦無言下筆難奉歡何日遂夢裏暫承顏

登舟入楚

步出溘城吊古餘前程又復即舟居客身到處無榮辱  
隨分蕭條兩篋書

夢慈闈

昊天罔極裂心肝遺塚荒涼不忍看魂夢豈知生死隔  
承顏浪喜得真歡

即事

吟覺多情坐不眠月光涵水水浮天  
舫聲細與歌聲協



又有西來夜泊船

觀濂洛關閩諸君子遺像

平生習迂僻人物常懷古自從堯舜來歷歷固可數降  
茲秦漢下無才繼鄒魯偉哉宋德隆夫子生四五日月  
麗中天遠近曷不睹人心一返正斯道朗以溥嗟我小  
子愚私淑豈小補偶從黃卷中瞻像慰渴慕因像以求  
心益自陶莽鹵不及猶恐失誰知此心苦會當寫斯圖

頃刻恒敬負

讀易

夏日舒以長齋內深更靜正襟新浴餘肅容湛天性悠  
哉四聖心玩味頻起敬好風生坐隅竹色鮮相映澹爾  
絕外牽伊誰共佳興

枕上絕句

賢聖微言玩愈精夜分無寐獨惺惺十年醉夢迷南北  
一點寒山雪後青

即事

環堵蕭然隔世塵日長惟有簡編親青衿髦士時能訪  
出處諄諄話古人

曉起即事

人心秉至靈胡為自狼狽十年磨一鏡漸覺塵埃退清  
曉旭日升竹樹欣相對欲記丹青圖斯意恐難會

黃廣文為僕趣裝

客子去莫留故人情不淺離合馬足論事業宜加勉恒  
令此志存會見長材展賢聖以為師任重而道遠

黃廣文城外送別

迢遞步暑來高情重為別匆匆話莫窮努力男兒節

宿漸嶺

漠漠暮林橫綠野澄澄秋水映紅雲  
遠來客舸依沙岸  
獨犬一聲何處村

先生跋云此辛丑歲歸自武昌詩也閱藁見之因  
感此景何處無之然必心中無事乃能見也

赤壁懷古

今日題詩處明朝迹又塵不知江漢水流盡幾多人

大冶山中

客路逢人問前程去已迷喚回琴劍侶斜度小橋西

重訪盛山人

舍館曾留宿園林今更過米嫌秋熟少苗歎雨傷多寄  
遠書應達移居事若何秋風涼冷後有待碧山阿

謝家埠舟中即事

憶昔扁舟久寓居客中風景自能摹重來幾換人間節

佳興如今却勝初

次梅根

風色蕭蕭生暮寒  
月明催棹下奔湍  
孤舟繫穩更相勞  
又得長江一日安

舟中即事

緗帙收來霜夜分  
月中猶見打魚人  
始知各有平生分  
勤苦方能立此身

荻港舟中

寒蘆漠漠夜澄澄  
雲盡霜天月倍明  
欲問箇中深淺興  
青燈孤映讀書聲

舟次蕪湖寄友

地迥天清蘆鴈呼  
西風殘照泊蕪湖  
遠書不盡悠悠意  
努力人間大丈夫

述懷

平生蹤跡慣飄蓬  
短棹從教西復東  
借問鄉園從別後  
一旬清思屬中庸

偶述

十年勤苦學求仁品彙紛紜未識真  
惟有一般堪自笑  
行藏酷過古人貧

舟中觀書憶諸生

燈火夜常半工夫日又新  
濫追先進躅頻憶故山人  
凍竹那妨雪寒梅自有春  
此生何處達天地即吾仁

別史儀部

清譽聞來熟高情交更深  
青燈連夜話黃卷百年心  
斯



道何難入深功貴自任  
匆匆慚贈紵惆悵託狂吟

別李鳳儀

途逢渾似夢驚定始開襟  
萬里又分袂幾時重盍簪  
詩書仍努力窮達莫殊心  
邈爾雲山外頻頻憶舊吟

訪葉別駕

消息猶難得逢迎更敢期  
寧知為客際重悉久要辭  
剪燭嫌更短連牀願別遲  
欲投迂闊分捨此復何之

贈丁太常

別駕僑居處頻過不覺疲喜通儀部好更辱太常知賤  
子慚何算明公貴有為聖途如指掌努力妙年時

宿黃茅潭隔港

日夕北風起停橈未有涯橫江欣得伴和月宿蘆花

偶述

欲遵君子業名教貴昭融能事參天地元基慎獨功

板橋客夜

達得浮生去住輕江樓遇夜旅魂清遠書作罷孤燈靜

霜月淒涼鴈數聲

除日書懷

一歲生涯不離書  
明年行止更何如  
男兒挺拔今猶古  
百倍工夫正屬渠

除夜次唐人詩韻

青燈幽戶照無眠  
高興吟哦正浩然  
一歲平安私自幸  
進脩踴躍入新年

西軒即事

壬寅

凍消殘雪早春回幽戶  
條風任往來黃卷玩餘閒  
卧後滿窓春色數枝梅

觀梅

梅花滿眼感懷新正月  
俄驚十日春花落更開  
開更落小窓忙殺讀書人

柬友人

物物由來根太極等閒  
那得識其真浮生三十  
端虛度擾擾俱為夢裏人

貧居盡日掩柴闥黃卷青燈不敢閒克已轉知前日妄  
希賢愈覺古人難

感興

浮生歲月易蹉跎交誼知心苦不多幾欲開懷難覓伴  
只應懷古獨高歌

贈黃經厯先生

竹屋長無鴈花封偶盍簪雨窻宵並榻雪案晝同吟往  
事渾如夢清歡暫稱心明朝踏晴色歸思各雲林

題琴樂軒

花縣東南里巷深，高軒清樂屬瑤琴。  
綠陰簾幙閒中世，明月階除靜裏心。  
松韻正幽孤鶴唳，海濤初定老龍吟。  
山中亦有無絃趣，茅屋何時肯一尋。

夢親

癸卯

夜夜春天夢依依，只在親山中有茅屋。  
何日沂歸津。

題三友圖

桃李春晴錦萬堆，蕭然誰數竹松梅。  
不因處士開新畫。

雪裏何從表異材

嚴親寄家譜至

門外歡聲送喜來  
天邊家譜到山開  
音塵已隔半年後  
樂極猶疑是夢回

南軒夜坐

庭前詩已成雲間  
月未沒入戶啓南  
軒無拘轉真率草  
木發天香遙夜清  
人骨

奉寄黃浩中先生

金定四庫全書  
卷一  
十年兩度侍西軒  
細語傾心夜不眠  
浮世別離疲野馬  
幾回懷古獨雲天

月夜

迢迢良夜月澄秋  
萬象清嚴風露幽  
安得人心亦如此  
廓然愆盡理周流

題梅竹軒

蓮塘南畔碧山連  
梅竹幽深着小軒  
接席好風晴滿徑  
隔簾香雪夜浮天  
題詩興繞賡歌際  
讀易心遊未畫前



佳致幾時期我共為君細和白雲篇

暫宿新居

青山白雲裏曠然露平陸峯巒森遠近澗溪羅屈曲辛  
丑杪秋中相基蒙古卜明年閏月冬於馬結新屋癸卯  
建未初移居遂所欲藩籬雖未稠斗室聊自足露坐天  
宇涼語笑偕僮僕共想古昔來誰人此曾宿

東軒即事

公事纏彌旬寸心靡敢放豈惟學古難人欲誠易蕩昨

金  
卷一  
宵擬見官風雨不成往偶此東窓下暫然閒俯仰徧閱  
舊時吟靜思新志向疑似寔自蒙伊誰一指掌洙泗跡  
既陳洛閩且絕響安得同志人靈臺期共養

十一月朔旦枕上作

立志成人自稚年中間鹵莽實堪憐如今轉覺人須學  
截日嚴程造白堅

除夕

慷慨臨除夕蹉跎又見春一年非不學何日是成人經

事才還廣潛心理漸真微吟增感激名教定書紳

傷農家

甲辰

秋穀應多減春炊固轉艱頻聞寒雨裏採蕨滿深山

十二月十四日絕句

弊廬風雨何曾蔽衣食田園給更慳積病寒窻塵滿眼  
始知無怨實為難

始知無怨實為難至樂誰如孔與顏誤把古人輕易看  
精脩從此可容閒

精脩從此可容閒  
勘破當年義利關  
隨處動心兼忍性  
何憂不到古人班

何憂不到古人班  
只把遺經子細看  
學久自然查滓化  
心斯廣矣體斯胖

懼衰

少壯空纏疾病過  
光陰况復迅如梭  
蹉跎容易入衰境  
此德此身將奈何

寒疾未醒兼困於瘡  
廢書默詠朱子及陸象山兄

弟鵝湖倡和詩僭次其韻

先哲高風悉所欽  
考亭朱子益留心  
滄溟浩浩吞諸水  
泰華巍巍失萬岑  
理極研精無突奧  
形純踐履更深沉  
微軀每恨生來晚  
空慕聲容隔古今

除夜

一年程課更如何  
輕薄還因感慨多  
明日又逢新歲月  
幾時能出舊巢窠

元日 乙巳

回首流年一夢間  
靜思身世立應難  
工夫百倍須深勉  
莫把光陰當等閒

正月十九夜枕上作

自歎生來後聖賢  
下流入道苦難前  
何由養得中和性  
樂以忘憂理渾然

樂以忘憂理渾然  
後生豈易造斯言  
歛然下學無他法  
一味深功克性偏

書所得

荊棘場中二十年中間回首實堪憐  
欲從何處求心性  
日用由來總是天

舟宿陶婆灣

夜半扁舟夢不成  
細將心緒繹平生  
人倫有道何能盡  
展轉無端感慨情

贈九韶

綠蘿溪上舊儒家  
脩竹喬松去市賒  
南畝秋風多熟黍  
東園夜雨總肥瓜  
聖賢指示方應密  
師友相期路不差

孝友一門斯是政讀書聲裏老生涯

夜讀康節先生詩後作

田園工夫日破除小窓燈火夜詩書月華皎潔雲輕後  
夏景清涼雨霽餘百體無拘知氣泰一塵不累識心虛  
從今莫惜慙懃學好古方能屢起予

夢傅秉彝

一別那勝歲月深浮沉世務阻相尋分陰痛惜平生志  
夢裡猶懸悵快心



午枕

枕簟清涼午夢濃  
覺來鳩語太從容  
寸心似水無纖浪  
認取鄒書夜氣功

夏夜

月色嬋娟夜正涼  
偶然徐步稻花傍  
籬多竹樹饒清蔭  
池滿芙蕖有暗香

寄九韶

幽窓遺籍自朝昏  
盡日紅塵不到門  
頑鈍淬磨還有益

新功頻欲故人聞

月夜

涼月清襟抱閒吟氣正和熟思剛暴性旦晝楛亡多

夜讀後對月

青燈讀倦閣遺編見月多情又不眠欲識此心虛妙處  
沉沉戶牖嫩涼天

省已

希賢事業愧庸才煨煉磋磨志愈乖世澤厚深流慶遠

道心連日得悠哉

月夜

雲盡天心月正圓  
可人清景屬南軒  
滿懷今古那能寐  
緩拭枯桐理舜絃

變化氣質消磨習俗

由來氣質已偏枯  
俗染彌深愈失初  
於此不加鏖戰勇  
却從何處着工夫

觀舊稿

金史曰... 卷一  
十載飄零無定棲  
兩年幸隱此山扉  
詩書漸覺添新得  
心性還應勝舊時

寄題戴氏水竹居

勝日來良朋  
相招出茅屋  
壯觀窮名山  
所歷清心目  
山  
人白雲端  
蒼翠羅脩竹  
鶴髮笑相逢  
坐談此君熟  
苔徑  
迤幽陰  
軒楹淨如玉  
塵慮蟬已蛻  
道心露新沐  
主賓偶  
一契題詩  
愜素欲  
徘徊話別遲  
黃綠看未足  
歸卧梅窓  
雲餘興  
猶可掬  
何當載酒來  
重尋詠淇澳


有悟

困窮拂亂力難勝天意分明增不能思到此心收斂處  
聰明睿知自然生

除夜

不惑無聞大聖辭如今祇有五年期譬猶萬里關山路  
駑足應須日夜馳

駑足應須日夜馳丁寧莫枉一男兒工夫徹後開眉看  
萬里青天月出時



康齋集卷一

欽定四庫全書

集部  
康齋集卷二

詳校官編修<sub>臣</sub>李克棟

中書<sub>臣</sub>劉源溥覆勘

總校官知縣<sub>臣</sub>繆琪

校對官學正<sub>臣</sub>蔡必昌

謄錄監生<sub>臣</sub>桑英

欽定四庫全書

康齋集卷二

明 吳與弼 撰

詩

元日 宣德

丙午

去年程課畧加勤  
今歲深期日日新  
萬事何如吾道重  
下寧莫枉此生身

遺問



白氏口月人三言  
卷二  
講學無功德不脩不才甚矣可無憂青春回首今何在  
堪歎人生易白頭

發舟弓家渡

囊書喜上省親舟千里山川盡舊遊家慶新歡堪計日  
前程漸次減離憂

贈傅秉彝

洗墨池邊春草長重來懷舊意茫茫蹉跎容易青春晚  
秋鬢能禁幾點霜

清苦吟

清苦丈夫志風霜善自持  
陽和非不愛義命貴安之

即事

磊落羣峯徹曉雲柴關閒出為晴曛  
逢人偶學占秧候活水渠邊手自分

晝坐外南軒

南窓北牖透晴光花木參差日正長  
舉目無非幽賞處不知何地是仙鄉

絕句

竹戶風光軟  
花軒清晝遲  
蒼苔人跡絕  
淨几獨吾伊

閒趣

野水雲山隔  
市塵日憑閒  
散養吾真茅  
廬周匝多芳樹  
行處清香暗襲人

夢覺作

靜夜迢迢獨覺時  
寸心凝斂絕邪思  
聰明睿知何從出  
作聖之功信在斯

紗陂

長渚石罅冰廣浣溪中雪清風生夜寒泓澄浸秋月

大同峽

秀峙交翠屏清冷響寒玉谷鳥時一鳴蒼苔此幽獨

曉起

夜氣春融和曙光晴皎潔漠漠碧雲端斜露清霄月

羅家園

湛湛芳草池脩脩碧霄竹倚竹漱春流清氣滿幽谷

李家山

攜琴兼載酒童冠  
偕躋攀浩歌碧雲裏  
落日松風寒

徐家山

大路臨青山蒼苔蔭清樾  
幾度縱芒鞋送賓此為節

石泉

石泉千古名悠悠四時綠  
清潔乃素心白雲一茅屋

東陂

迢迢透長源滔滔流晝夜  
幾曾瞑目聽應悟安行者

東窓誦陶詩

時和風雨調綠疇日滋長吾意良淡然晴窓坐虛敞竹  
蔭連琴書幽苔隔塵鞅流誦徵君辭伊誰嗣清響

偶書

倦出尋常止茅屋妄想潛消思寡欲但恨青山雲未深  
更欲移居問窮谷

枕上作

為學曠鋤犁事農疎典籍學弛心性蕪農惰饑凍逼二

者貴謙之庶幾日滋益奈何疾病纏蹉跎旦復夕

即事

獨步孤村去從容翫我書稻苗時雨後山色晚晴餘性  
也何曾染心兮此正虛歸來帶明月夜興更何如

燈下作

日日勞筋骨心中未免疑細思貧賤理素位合如斯

贈黃徵士

卧疴白雲中苦心正懷舊忽枉故人盼青山得攜手晴

窓坐南薰薄言勸春酒眷然惜離羣問答殊未久荒村  
多寂寥還能重來否

寫懷

戊申十月  
服闋作

意緒依依萬感餘羸軀應向死邊蘇哀歌欲寫難成調  
幾傍霜簷對月孤

冬夜枕上作

遙憶當年學立身兢兢常恐暫埃塵孤風自許追千古  
特操何曾讓一人因病簡編尋曠弛離羣踐履轉逡巡



中宵忽感平生志回首空過七十春

與學者戴輿

榮榮失怙未能言鞠育劬勞仰母憐稍及成童知擇善  
纔隣弱冠已忘眠鏡當塵積光難緝車向途艱勢易顛  
從此更敦千古志躬行心得好拳拳

自歎

少年不學浪悠悠老大無成空隱憂寄語青春強健客  
及時黃卷好埋頭

寄李子儼

楊柳城頭亂絮飛，慙慙客舍再逢時。  
山中有約遂何日，羈思悠悠謾寄詩。

感懷

靜把平生一細思，可堪桃李不勝吹。  
何能挽得千溪水，淨洗靈臺一片私。

龍窟渡拜先曾祖楚江先生墓

青山遠入避紅塵，遺魄千秋此水濱。  
荒隴淒涼重拜日，

金剛經  
卷二  
細從諸老問前因

遷居小陂

小陂橋畔記吾廬  
七載經營今陟居  
一片靈臺無別想  
孜孜惟是聖人書

夜坐

古道寥寥不易尋  
秋風揚柳感人深  
虛堂寂靜無言處  
黃卷青燈求夜心

冬夜懷古

二帝三王隆至治  
臯夔周召和應同  
斯人何幸生斯世  
一體君民瑞氣中

孔孟孳孳論要道  
顏曾公萬實同心  
滿門師友更酬酢  
此樂當時知幾深

濂洛關閩道中興  
游揚黃輔一時生  
大明日月當中麗  
多少祥雲與景星

晝寢覺作

巳酉

病思昏昏午夢還  
熟思歷試鼻應酸  
欲知松栢孤高處

須向隆冬雪後看

懷孔御史 二首

曾向嚴親舊稿中  
覩君尺牘語春容  
知予大過深增懼  
幾度相思細省躬

幾度相思細省躬  
可堪名勝恥無窮  
欲求實勝何由得  
黃卷須加百倍功

晨坐東齋

寂養資良宵  
清晨趣應好  
芳露盈華園  
碧嵐靄春阜  
虛

齋獨危冠晴光爛窓牖一玩謙亨辭冷然滌心垢

閒興

貧居日寡營動息得自珍

自安自得為珍

時課諸生餘還共兒

童哂出門望舊山綠籬探新筍歸坐夕風清閑情寄瑤軫

次學者韻

欲說男兒事奇功未易收靈臺須靜養物理貴精求  
歲月忽向晚關山阻且脩分陰宜痛惜驅策莫遲留

暇日偶成

寸心如水淡無波  
四體安舒一氣和  
有客到齋終日話  
懷開應喜善人多

病中枕上作

一念之微須致精  
公私王霸要分明  
毫埃絲垢宜措盡  
剛立成心大路行

纖私滌盡未為難  
要識時中是孔顏  
此箇路頭何處問  
苦心空使鬢毛斑

律身須禮不容疎公以治心其庶乎二者沒身而已矣  
不知人世有榮枯

新居即事

幽賞平生志安居此庶幾青山環遠近碧水帶東西接  
舍惟樵徑連雲只稻畦遺經閒恣閱心迹總高棲

改過

四十應當成德時中心何更有他歧其終也已宜深察  
剔拔毋令利暫縻



即事

養病私欣得自由日長卧看魯春秋悠然詠到忘言處  
一枕清涼午夢幽

省已

此心一失栽培力幾向窮途不自持靜裏反躬深省處  
風霜却是進脩資

處困

遇着艱難須用心毋令放下便淪沉此關若得千里透

信有人間百鍊金

寄曰讓祈門訓導

優游新趣佳山水仰止前謨近聖賢

朱子父  
母之邦

六籍日須

鞭策進寸心幸莫利名牽杏壇鐸曉光風滿蕙帳琴寒  
霽月懸從古男兒當自奮賸將事業答青年

冬夜步月懷劉悅學先生

讀罷閒吟緩出庭月華如畫院澄澄恍思玩易京師夜  
曾向吾師學看星

枕上偶成

為學如登萬仞山層崖須用小心攀前頭儘有無窮趣  
只是工夫不斷難

冬至夜枕上作

深造工夫靡敢慳近來又透一重關心思只在聖賢上  
夢寐不離文字間斯道極知顛倒易一身痛惜把持難  
微吟又是陽生後細省迷途駕速還

晝寢覺作

眇然方寸經綸本萬感誰憐此地危  
當失之動歌枕細思敦  
良旨幾人曾向吉中歸

寄羅秀才

衰謝無才甘陸沉何煩青眼特遙臨  
驪欣便若平生好慷慨深投半百心  
莫逆尚期清夜話有懷先寄白頭吟  
卜居願與嘉謀協早向春風聽好音

中堂即事

燈明几淨室清幽滿眼圖書託士流  
滌硯閑書新得趣

廓然泰宇澹何憂

除夕

擁罷寒爐小酌餘  
挑燈又近古人書  
一枝粗定身多幸  
此地應逢兩歲除

元日記夢

庚戌

為學平生慕至真  
孜孜明德與新民  
朝來枕上添新喜  
夢裏猶深激勸人

夜讀

疾風吹雨霰交飛獨撥寒爐夜半時  
喜得諸生清苦共  
小窓之外尚吾伊

誦晦菴詩次韻

誅茅遂幽獨愜此林壑清太和釀羣卉天香滿衣纓  
病軀無餘事先人富遺經自陪二三子明窓共經營

待月西齋

遠愛雲山近竹林芸編堆裏更瑤琴  
時行時止憑誰說  
待月西齋自養心

曉枕作

少年意氣凌秋霜直欲追古豪傑參翺翔老去何知萬  
事曠空令感激增悲傷嗚呼古人及之良不易後生慎  
勿輕流光

溫楚歌

上國曾傳此調清經年多故忘當丁虛堂永晝重溫處  
吟到多情是故聲

門外閒坐

習靜生憎損病心  
晚涼門外獨橫琴  
呼童細剔溪頭樹  
為愛青青雲際岑

獨步偶成

暫出孤村縱野蹤  
晚涼歸詠更從容  
盈眸好景新晴後  
人在乾坤清氣中

題唐山書閣

流俗滔滔利是趨  
居家高閣獨儲書  
絕韋遠紹前人緒  
麗澤頻來長者車  
香雨芸窗春杳杳  
清風蘭砌日舒舒



小陂茅屋應相近時喜諸郎問魯魚

私

一念私纔起風波勢便增若非鏖戰勇方寸幾時平

分

萬事須由命勞苦徒喪廉若非安得分儘快未能恬

名利

眼前名利日紛紜擾擾何由得性真置却身心貧富外  
始知世有出塵人

苦熱觀晦菴詩集

炎熱侵陵夢少安茅簷無地可盤桓絕勝黃卷多冰雪  
朗誦令人骨髓寒

讀罷枕上喜而有作

讀書進處心私幸更把精靈禱上天願假數年無病困  
尚當努力繼前賢

枕上默誦中庸稍悟一書大旨喜而賦此

句習章燭幾十年其於統會每茫然一朝似得優游力

金定四石人言  
卷二  
擊節深歎聖嗣賢

至日感懷

屢醒長更夢頻添暮景愁  
盛時剛易失多病苦難瘳  
長困荆榛境終非鸞鳳儔  
徘徊當令節休復慨前脩

臨流瞑目坐

辛亥

物外元無我閒中別有天  
臨流時抱膝此意向誰言

寄葉郎中

潔居萬事愧吾徒十載猖狂一薄夫  
貧病不勝書課減

怠荒常是力行疎  
愁來無地堪容足  
老去何時可復初  
忽辱高明千里念  
題詩遙望獨長吁

枕上作

仁者無怨尤  
節士多饑寒  
至理無定在  
君子隨時難

連珠求藥歸道中作

問藥歸來出白雲  
輕身隨處玩餘春  
會心偶記前賢詠  
得自由時莫厭貧

懷舊

意曾彌月寓東坪童冠相親八九朋月色滿簾天似水  
書聲徹曉院如冰賢闕總擬爭先入塵鞅何期竟久縈  
愧我只今空白髮不堪回首負平生

夜牧

涼氣蕭蕭露滿衣碧天如洗月如規浩歌一曲孤村寂  
綠樹陰中牧犢歸

講罷偶成

萬事應須任所遭胼胝農圃敢辭勞西齋講罷心如水

又對涼天霽月高

東窓偶成

虛窓寂寂隔紅塵  
蹤跡雖貧樂甚真  
法帖謾陶閒裏趣  
高眠時養病中神

灌禾

田頭一一荷鋤過  
自放寒流灌晚禾  
隨分不辭筋力苦  
坐看明月好懷多

東齋讀晦菴先生詩次韻

朝朝黃卷自埋頭物外從教春復秋  
座接好山青繞屋門迎活水綠平溝  
舊花匝徑紅如織新竹成林翠欲流  
課罷幾回閒徙倚誰憐心賞十分幽

贈山中人

徐步春山日未晡石橋流水竹扶疎  
為求桑柘乘時種一一煩君手自鋤

遊山

自大同東坑過連珠

東風新霽好懷多又復携琴訪薜蘿  
幽賞正宜窮窈窕

遐觀時喜陟蹇我寸心好共寒流淡一氣應同淑景和  
迤邐不妨歸步晚暖烟涼月助吟哦

遊山

自大同西  
坑過玕溪

麗景尋幽日日宜杳然身世在皇羲芳林騰馥徐行際  
涼石濃陰小憩時勝地到來心自醉吉人逢處話忘疲  
夜深更酌家山月不憚烟村歸去遲

題桐岡茅屋

遠却囂塵製芟衣野塘安處憺忘歸良疇佳圃怡朝夕



白水青山省是非  
醉裏乾坤類箕頰  
閒中今古在皇義  
人生肥遯如斯足  
多少功名與願違

病中倦卧偶思年二十四時  
寓居東坪與諸生夜讀賦  
玩月詩微吟一過神  
思洒然遂次舊韻

舊吟誦罷病魂清  
猶幸靈臺一點明  
鍛鍊雖然愧金錫  
戰兢不敢步淵冰  
未容餘日甘衰朽  
尚擬諸生更老成  
世澤依然詩禮在  
好將塵慮靜中澄

懶吟

時止時行學養痾人心天氣共融和好懷却怕詩拘束  
不似前時苦思多

同士當度橫琴嶺

仄徑依微落照殘行臨絕嶺暫怡顏他年記得躑幽處  
烟樹參差遠近山

寄士當

兩地相思渴一逢忽從華里共春風通家不減平生好  
指掌深論別後功翠嶺遙承扶疾送狂言多謝放懷容

欽定四庫全書

康嶺集  
卷二

人事相應從漸省好伸前約向中庸

約來講  
中庸

同孫脩撰曰恭賦詩留石源黃宅

野徑聯鑣日山樓對榻時素心同似水清興各留詩

贈曰恭

大地收新雨春山張舊容高人淹信宿佳興共和風麗  
澤資方好離歌唱却慵更懷賢叔氏何日定重逢

題友琴軒

欲將心事託雲和高闢幽軒遠綺羅好景洽來人似醉

纖私絕處海無波天高地迴雲烟散電掣雷轟風雨多  
我亦平生耽此趣把君詩卷重摩挲

宿黃微君館

負炎困行邁息肩稱幽懷置屢自茲隔好景從天來林  
靜風荏苒池清月徘徊細交知己談佳興何悠哉

題北溪松隱

縣北溪頭松幾株婆娑長蔭隱君居綠陰寂寂聞吟處  
清籟悠悠醉夢餘老幹冰霜饒凍裂盤根雨露飽沾濡

欽定四庫全書

康嶺集  
卷二

不知桃李春風態得擬高標萬一歟

贈宗人士彰

筍輿遙辱到清溪霜鬢俱憐識面遲綠酒細論宗族誼  
青燈頻析古今疑光先事業根須厚為已功夫志莫移

別後分陰勤愛惜重逢未卜是何時

題南園

塵世誰無數畝園箇中清致幾人憐石橋近接雲烟墅  
苔徑旁通薜荔泉靈藥嘉蔬紛繞舍碧桃紅杏爛遮天

幅巾方杖逍遙處世與羲軒共杳然

題雙貞堂

孀居重見古今悲一室雙貞天下竒粹玉精金同姓字  
霜松雪竹表心期高蹤合繼前賢傳懿範宜為後輩師  
多少高談仁義者幾人無愧柏舟辭

題大和堂

天人一理費形容須向三關透後通一氣塊然穹壤塞  
四時順布古今同細縕總是吾心妙保合應須日用功

琴到無絃何所道始知君子只中庸

題聽松軒

曾向高軒共好音乾坤浩蕩境沉沉恍然指下迷宮羽  
不信人間有古今瀑澗夜寒鳴雨歇風林晝靜落花深  
回看勝事已成夢難寫淒涼一片心

題竹所

富買江干脩竹林洞門苔徑蔚沉沉畧無塵土雜幽夢  
時有天風來好音千畝秋霜君子操萬竿春雨化工心

筍與未得乘佳興漫向良朋寄短吟

題翁樂堂

宜家信是順親方歸有餘師好細詳道要何曾離咫尺  
事幾應不過平常填篋並入春風軟花萼長和化雨香  
至德苟能躬不怠滿門和氣自多祥

題琴室

一室何妨似斗寬中含太古興瀰漫春風几席朱絲緩  
夜月軒楹玉軫寒天聳雲峯晴簇簇花穿香澗暗珊珊

纖埃不動沉檀細  
身世分明在杏壇

題野塘新墅

新卜衡茅面野塘  
起居長在水雲鄉  
庭無塵雜心應遠  
架有圖書貧是常  
多種桑麻承雨露  
任教冰雪積松篁  
升沉信有平生分  
肯學春花逐艷陽

宿金石山

間宿仙家陟翠微  
石壇曠望本無期  
輕烟雜樹新晴後  
近水遙山薄暮時  
興逐高歌春脉脉  
心懸往事意遲遲

素懷欲共何人寫獨詠東風月滿衣

除日奉和族叔父仰學先生見寄詩韻

弱質何堪終日病不才誤染一年塵痛慚舊學功馬用  
空感春風歲又新困鬢正憐魚圉圉芳心誰似木欣欣  
題詩遠謝吾宗老總抱冲襟未易伸

除夜感懷

虛堂遙夜憶京師十八題詩尚記之二紀光陰何太疾  
百年事業竟奚為良時孤負追寧及多病侵陵悔已遲

從此殘魂須愛惜  
閑人閑話不相宜

元日即事

甲寅

初晴天氣極清妍  
况復琴書共晏然  
心靜自應春似海  
身閒轉覺日如年  
親賓漫得諸生應  
疾病多便白晝眠  
準擬花陰分半榻  
無懷世上玩先天

題雲澗幽居

一帶寒流浸白雲  
千林紅葉訪徵君  
小橋亂匝青霄竹  
古屋多熏舊日芸  
細語温淳兼對酒  
素琴冲淡更論文



欲尋後會無由得漫喜諸郎繼典墳

寒夜

朔風雨霰夜漫漫病骨偏驚敗絮寒  
應有賤貧寒勝我  
斯人誰道一般看

寓寶應寺二首

晝夢無人攪春窓一味幽芳心憐露草清韻愛晴鳩蹤  
跡何須泥琴書且暫留微吟時出院隨意弄寒流

古塔多高興重臨又幾年雲烟清曉際花柳仲春天病

眼得無恙塵襟已曠然題詩人欲去好鳥正踟躕

出城道中

行色一身輕春山鳥亂鳴好懷人共賦佳興自能乘花  
塢官橋曉雲林牧里清素心無物我取次話平生

放水

秋風浙浙月輝輝又是田頭放水時坐倚老梅怡病眼  
偶逢佳興一題詩

贈友人

琴書深託綠蘿谿風月何人共品題  
流水舊穿幽徑轉  
喬林新與碧雲齊  
一犁春雨兒耕稼  
百甕寒泉自灌畦  
隨分無非安穩地  
相逢何必問丹梯

即事

小春風日佳意適渾無我兒女笑相隨  
綠山摘霜果

懷曾祖楚江先生

乙卯

先生苦學紹專門貧賤逾知德義尊  
惟是劫灰堪恨處  
不餘一字示諸孫

懷曾叔祖脩輔訓導先生

先生清苦古人儔  
六籍研精仕更優  
愧我癡頑成底事  
幾回遙感舊弓裘

聽小女彈琴

幽棲心跡似洪荒  
花木陰陰日正長  
讀罷又親窻下枕  
薰風一曲午天涼

同陳正言登李家山次朱子遊山詩韻

靜來榮辱淡無驚  
却喜閒身去就輕  
心目開明隨地好

山川奇勝自天成短筇密倚經行穩磐石徐登發詠清  
却憶攜琴曾此憩塵寰寒暑幾回更

出遊

晴光又值小春天兒女嬉隨度野田香稻可人時有賴  
紅塵隔我利無牽平岡暫為尋幽厯細草聊因養病眠  
隨處會心皆妙境乾坤生意總悠然

閱舊藁畢偶成

丙辰

連日頻將舊稿披恍然如夢對當時知非已晚嗟何及

空使殘魂詠小詩

春日

物我悠悠付兩忘  
莫春天氣體平康  
奇花雜映階籬爛  
佳木頻分戶牖香  
童冠芳盟六七輩  
聖賢名教兩三行  
呼兒杖策嬉遊罷  
又復高眠向北窓

枕上偶成

嘗聞洪範思能睿  
只恐邪思亂性真  
能於思處分真妄  
便是存心格物人

妄想能除心即清  
心清一氣自和平  
時行時止非人力  
慎勿憧憧役此生

偶成

竹樹陰陰隔世塵  
吾伊聲裏着斯人  
饑餐渴飲聊隨分  
信是閒中别有春

宿周舍

暮色看山罷清宵  
寄此樓細思名教旨

樓有三  
省字

衰懶是

吾憂

宿湖田萬氏

數家書屋湖山上我愛湖山幾度遊  
下榻又從高閣卧  
炎窓風雨似清秋

木黃嶺

偶從佳地又開顏  
久坐涼颿意轉閒  
平野曠然清遠目  
白雲深處指閩山

宿慈明寺

一宿蔚藍天炎襟自洒然  
五更涼夢覺心賞淡無言



寄宗人士彭

客路迢迢擬訪君細論心事慰離羣  
新晴無奈歸程迫空向青山望白雲

山家

老兄掃徑遙迎客令弟焚香好煮茶  
自有一般淳朴處稻花流水兩三家

贈陳廣文

承吾師楊弘濟尚書先生來命下顧不肖

偶送隣翁語隔溪遙瞻騎從識儒衣  
九天遠達尚書命

野水荒山倍益輝

孫氏賢母詩

丁巳

曾向遺經慨小星  
柏舟三歎有餘馨  
高蹤百世能同調  
不負皇天降此生

秋夜感懷

當年曾苦讀書心  
斯道寥寥強自任  
不謂阨窮兼疾疹  
蹉跎空得雪盈簪

寒夜枕上作

屋弊風如箭衾單人似冰但憐妻子病敢計此身寧夙  
志空懷古迂謀拙理生體羸何所作漫喜此心平

枕上絕句

風雪無眠夜冷然細省躬此心誠易失物理倍難窮

小年夜

俗以歲除前一  
夕為小年夜

虛堂明燭小年時子弄瑤琴父詠詩會得心中無事肯  
樂夫天命復奚疑

溪畔偶成

戊午

偶來溪畔愛陽坡  
暝坐光風養太和  
幸託林泉交物少  
故於情性得功多

長塘道中

講罷歸來日向沉  
嫩涼徐步愛輕陰  
芳林秀町盈眸好  
誰識乾坤造化心

月夜

月色秋邊白  
人心夜半平  
一塵元不滓  
高枕玩虛明  
璿慶夜讀喜而賦此勉焉

八歲知勤學焚膏過二更聖功從此始道只在人弘

中夜偶成

病枕醒來鎮不眠起看星象聽鳴泉寸心欲處能容物  
始識天君本泰然

挽梁節

潁水翱翔邁等儔亭亭丹桂倚高秋姓名未達黃金闕  
夢寐俄驚白玉樓堂上幸仍新滌滄庭前堪付舊弓裘  
盈虛消息何須計沒有清芬是乃休

夢戴時雨訓導

記得當年聽說詩客窓幾度解人頤清風久矣隔今古  
又向良宵一夢之

懷族叔父仲學先生

憶昨相論古市傍我纔逾冠叔方強聖賢事業心皆醉  
問學工夫日共忙信是中行難體會也應夙志易荒唐  
秋窓卧病思君處空愧蕭蕭兩鬢霜

蓮塘已未

蓮沒不知年塘稱尚如昔念我名不稱長生諒何益

何家山

脩竹凌青冥喬林鬱蒼翠三世託吾廬嬉遊十經歲

坑裏

青松夾廣路綠水連芳塘茅屋八九家風俗如虞唐

南坑

田宜晚粒香池濟秋陽曝南坑專此嘉吾人竟何穀

南岡

憶年童稚時逐侶于茲牧齋歌忘渴饑皞皞驅歸犢

對門山

土鼓供兒戲林泉多珍味風物自依然流光換人世

下廩山

為童多此遊負薪給吾爨幾度江湖上青山夢中看

于家陂

兒童隨伯氏漁此供賓庖江湖四十載往迹惟神交

陀上

先生別  
母往京



迢迢陀上路東去通康莊當年斷腸別觀者同彷徨

承臨川縣侯李降臨弊廬賜以高郵米麻姑酒喜

與鄰里鄉黨共分其惠因成此句

庚申

泥尊滿貯盱江綠玉粒遙傳淮甸香白屋榮沾花縣賜  
喜從鄉黨一分嘗

留贈湖田萬氏

二首

病違佳約卧柴荆虛辱衣冠事遠迎綠酒喜陪今夕話  
又將迂闊瀆高聽

金匱要略卷之三  
卷二  
朝來聽取別時歌善惡由來不共科欲向事幾明擺析  
工夫不厭讀書多

贈故里親友

跋涉西還訪舊居故人心緒總何如平生拙學無他技  
到處逢人勸讀書

題柏堂

并序

郡庠生周圻生三歲而府君沒母黃氏年二十  
六以節自誓嘗手植二柏于府君之墓今木已

拱而黃亦六十矣族子民熙縣丞公嚮為求柏  
堂二篆以表其操自予之復歸種湖也與圻好  
尤密且桑梓相望嘉吾鄉之有善事故樂道而  
為詩詩曰

靈根親傍隴頭安翠蓋凌空已鬱盤歲月豈勝和淚數  
風霜幾向斷腸看苦心循是天真易峻節當茲末俗難  
珍重賢郎能不匱高堂特筆障枉瀾

奉謝諸鄉隣

草堂遙復種湖濱此地相將二百春  
出處無能慚德義往來盛禮謝鄉隣  
從今厚俗雖交善自古為居必擇仁  
海內喜瞻聲教遠時雍共作太平民

小年夜絕句

煌煌銀燭照良宵樂此昇平荷聖朝  
門戶恍思前甲子肅然世澤感迢遙

除日

此地棲遲忽歲除萍蹤如夢對琴書  
宗門一一經過處

共喜雲孫復故居

除夜

妻子團欒身少瘥故居風景慶時和老年襟抱無他感  
但恨讀書功不多

寄謝楊憲副贈周禮註疏

辛酉

夢寐周公制作心遺編厚貺辱遙臨焚香拜罷時開卷  
感激於君定幾深

題太古軒

軒前化日正遲遲  
軒裏幽人自得時  
一曲雲和春萬頃  
杳然身世在皇羲

種湖

湖久難稽得種名  
鄉隣聊共古今稱  
我來幾度游湖畔  
何限徘徊異世情

大橋

鄉里流傳小小孤  
衆流挾束帖如無  
伊人何自卑其局  
試問為仁安屬乎

何陂

萬頃汪洋浸白雲  
潛滋暗助發生仁  
試於翹望雲霓處  
始見深功信有神

江家山

清眺長便山外山  
層巒疊嶂巧回環  
箇中自有無窮趣  
不惜芒鞋數往還

城上松

隱隱東南幾萬松  
翠華如涌四時同  
高標獨傲冰霜表

生意都歸雨露中

讀春秋

世情詩思兩悠悠  
老去何心復夢周  
風雨午窓春睡起  
閒將吾志向春秋

自訟

徒爾昂藏生世間  
可憐此志久希顏  
如何白髮龍鍾際  
依舊身心就檢難

約



為惡都緣自放多私根隨處費消磨從今要術須歸約  
履薄臨深養太和

陸大參賜胙

畫省頒膳到葦門極知雅意篤斯文獨慚淺薄將焉稱  
細與鄉隣族黨論

題石憲使慈壽堂

西山淑氣藹蓬萊華館春風壽域開信是深功由我積  
固應餘慶自天來蘭階綵繡榮南服錦巷珠璣應上台

疎薄豈勝膺投簡日同黎庶仰崇臺

贈王太守榮滿

漳州人

皂蓋朝天日黎民卧轍時重臨俱有望竹馬候歸期

示兒

青燈父子話從容貧賤逾知樂意濃從此莫忘慈教旨  
詩書宜早用深功

豐安道中

宿雨初收淑氣回春山歸興正悠哉雲烟處處依微歛

桃李家家自在開

即事

養拙柴門日久沉  
子勤習誦父哦吟  
始知陋巷簞瓢樂  
千載同符只此心

奉寄家兄

獨居迢遞憶吾兄  
猶記當年童稚情  
萬事相看俱潦倒  
流光如夢跡如萍

寄胡子貞

金  
卷二  
謬為何自可成章  
百年華感興長  
惆悵故人頭總白  
青山歸夢遶蓮塘

晝寢偶成

老境日向逼  
學業靡所成  
空想古英哲  
悵然念平生

子貞及一舍弟送歸途中口號

久客欣逢故里游  
山中風景值清秋  
怡怡切切惻惻處  
指點歸途去復休

宿湖頭

野境雲俱暝江空雨未休  
問程頻策馬燈火宿湖頭

重游瓜石感懷

偶爾驅馳此地過故人消息近  
如何短筇白髮遙相逐  
暗憶流年一擲梭

夜宿胡氏梅竹軒九韶季恒在焉

梅竹幽棲處良朋偶盍簪  
留連清夜飲俛仰莫年心  
日又南北轉頭成古今  
平生江海夢偏向舊游深

望家山感懷

望望家山近故丘西風足馬悵高秋舊游歷歷人如夢  
昨日少年今白頭

追和劉秀野詩韻 十首

十載勞經營得卜寒泉麓雖乏囊中資幸安一茅屋桃  
李君自花風月吾人獨僑居非素心言歸事耕讀

我居清溪曲遶屋羅青山白雲自來往脩竹無柴闕翹  
企古人躅逸駕容追攀悠然一瓢飲不知有塵寰

莫春春服成嬉游吾所愛至哉浴沂心斯言不下帶浩

蕩六合間徹視寧有礙何事千載餘茲境稀能會

夙昔聞太華聳拔何其尊未遑游汗漫流傳少陵君羣  
峯無遠近環立皆兒孫何當脫塵鞅勝覽躋青雲

樗散竟奚為無禽憐舊井夙志成蹉跎星流百年景俯  
仰起遐思空嗟聖途永閉關事微陽殘魂此其幸

我思君子為洪鈞豈小補化日舒以長仁風被寰宇下  
視驩娛如區區焉足數安得千載人誰知此心苦

王者大如何乾元物資始亭毒一何心家家自桃李固

不令人怒亦不令人喜帝力何有哉皞皞皆仁里

素心在丘壑衡茅隱松蘿時訪李鄴侯或親郭橐駝空  
谷響樵唱綠野喧農歌暝然日之夕不樂復如何

恭默觀我生兢兢虞逐物立志在有為固當有所不圖  
史娛朝昏雲霞媚巖窟吾道卜終焉何心於象笏

人生何所貴貴在為丈夫古今表表者脂韋豈良圖風  
霜竹凌厲冰雪梅清癯壯志一少懈馬足為有無

宿樓府庵中



客路忻同勝友行  
貪看山水一身輕  
幽棲遠就雲林宿  
明月清風萬古情

歇馬高林見水源  
時從明月詠潺湲  
不知浩蕩滄溟上  
萬折東趨路幾千

宿格山禪林寺

騎從勞英友  
秋山共客游  
禪窓無寐處  
竹月涌寒流

途中偶成

日斜馬滑驚危石  
路暗人疲怯敗橋  
雷電屢防風雨至

須臾明月露青霄

奉寄黃泰莊先輩

惆悵白頭吟雲山契闊深何當重剪燭細叙百年心

秋夜

清覺當涼夜靈臺正靜虛寒光皎殘月星象爛聯珠

柬黃季恒

連日青山共好懷勝游清話兩悠哉詩筒又促乘流約

佳騎明朝來未來

洪都藁

舟次打石港感懷

不出門庭十五年舊游遙歷重淒然昂藏徒有平生志  
容易因循雪滿顛

璿慶同余李友登陸游憩

童冠相呼六七朋晴沙迤邐並舟行箇中真意人誰會  
慨想當年與點情

獨坐偶成

曝背墻頭獨詠詩  
風帆遠近鳥差池  
江干舉目皆真樂  
底事人心苦自私

發桂家林

故人迎候暫維舟  
行李匆匆去莫留  
白首相逢多病後  
西風斜日兩綢繆

宿池港

卧病衡茅久自私  
懶心只與白雲宜  
那知風雨江湖夜  
恍似平生涉歷時

蓬漏不堪坐起賦此以慰余李諸友

風雨疎蓬共不眠可憐此志在希賢誰能萬一朱夫子  
林范何勞遠接聯

次桃樹港與璿慶登岸閒眺

憶昨兒童隨伯氏趨庭曾此繫扁舟重來俯仰悲華髮  
碌碌空過四十秋

宿板溪

離却蓬窻宿此溪青燈華屋又吾伊芳筵倦酌辭清醑

隨意閒裁聽雨詩

詩罷吾伊尚未停  
擁爐更喜共殘燈  
工夫似此能無間  
何患當年藝不成

跋涉長途未覺疲  
晦明不必問前期  
寸心始覺元無外  
萬事須知各有宜

辭李氏宴

特感華筵美意深  
不才自分實難任  
平生非欲多違忤  
恐負區區雅素心

道中見梅

虬枝忽見雪交加自在芳心閱歲華  
客裏但貪春意好短牆不必問誰家

望豫章城懷胡祭酒先生

行行漸近豫章城烟樹微茫兩眼青  
野水平橋時獨立蕭然起敬為先生

璿慶失金

人亡人得不須憐佩服嘉謨亦有年  
今日失金何足較

自當觀理學前賢

宿懸榻里有懷往事

塵世悠悠幾古今  
偶投仁里一沉吟  
山川孕秀知多少  
何事先生得獨深

拜胡祭酒先生

一拜膺門百感并  
歸來猶自悵平生  
客窓展轉難成寐  
風雨蕭蕭永夜心

留題伍氏館



琴書信宿託高軒細接襟期意豁然堂上埴篔春似海  
階前梧竹碧參天江山映帶供真趣田圃縈環慶有年  
不待有心行樂事自然至樂日無邊

客夜

苦心遙夜獨觀生時聽書聲雜雨聲但得清明遊覽畢  
青山回首數歸程

喜晴

晨起呼童問晦明遙天紅碧報新晴江山豫有登臨約

何處憑高一暢情

游孺子亭次朱子詩韻

孺子高風固莫尋  
紫陽餘韻感人深  
乾坤那得有今古  
千載斯人只此心

宿豫章城

白髮悲心事青陽  
逼歲除江城回客枕  
寒漏四更餘

奉次胡祭酒先生詩韻

樞趨百里親先執  
猶是當年老長官  
絳帳春風酣德教

紅爐瑞氣盛杯盤  
客邊病思饑應忘  
江上歸心歲已殘  
拜得新詩綠路讀  
梅花冰雪為誰寒

問舟南浦

客裏逢人漫說詩  
從教歸計尚遲遲  
時將澤國天然趣

指點蒼茫一教兒

此宿南浦詩也

發南浦示璿慶及諸生

細雨斜風竹葉舟  
長簑短笠泝寒流  
呼兒又喜新詩就

麗澤何妨迭倡酬

野宿

滿江風雨泊孤舟  
舴艋能生逆旅愁  
佇立漸看西北好  
一天明月亂雲收

月下行舟

客衾局促難安枕  
夜半孤舟帶月操  
童僕總知歸去好  
寒汀魚貫不辭勞

次槎江

半月謳吟多勝賞  
太平處處共時雍  
江山又極登臨目

圖畫天開杳靄中

次嵩山

長湖東北是嵩山山下人家面碧灣  
今日竹林清逸處雲和一曲特開顏

宿曹溪感興寺

忙衝暝色度寒汀  
駐馬禪林月倍清  
東道欲知迎候盛  
高歌又益四三生

早行馬上口占

斷續江村踏月行誰家茅屋亂雞鳴  
謹呼童僕愁迷道  
時聽雲林遠近聲

次湖莽

勝地久聞蕃俊傑歸鞭今喜到華居  
丁寧篤世無他術  
禮義多循飽讀書

崔氏默菴偶成

舊家文物總說說又喜深衣與幅巾  
晴色滿窓春可掬  
恍然疑對葛天民

喜晴馬上口占

客路抵愁風雨惡馬蹄翻得踏晴沙  
輕風拂面春和煦到處江梅着好花

宿潼湖

霜樹糝糊烟水村投裝遊子夜敲門  
久知東道逢迎意特解詩囊為後昆

舟中聽諸生歌詩

行李寧家已有期雲帆更喜夜風吹  
諸生各有平安慶

促膝聞歌往復詩

贈同行諸生

半月追隨謁國賓  
今朝分手重慙慙  
還家各記丁寧教  
私錄工夫日日新

次婁家洲

翱翔藝苑少年時  
曾聽吾伊忘渴饑  
他日橘林洲上館

華顛惆悵舊題詩

洪都藻  
止此

聽本宗諸生早讀



金雞聲亂曙光微已喜吾伊動隔扉自是日新宜若此  
漫題詩句助箴規

懷孔御史

當年曾辱報親書意氣深慚過許子夜雨空懷人似玉  
華顛誰念掛鉤魚

奉和族叔父仲學先生

江湖半月忝為賓浪說文章泣鬼神自是秉彛攸好德  
誰憐觀過却知仁倦酣竹葉綠多病騰賦梅花為好春

幸免非幾全素履未妨來往作閒人

弔先友孫博士先生


憶瞻顏色自兒童回首官居一夢中  
試問寂寥先友記玉山多在白雲封

留鳳棲原周氏

中宵涼月添佳興際曉晴山淨好懷  
但得主人能好客幾時無事又重來

以石竹雪竹諸字贈周余諸友

節序明朝歲已除青衫猶辱訪僑居預留拙筆聊相贈  
點畫雖疎意有餘



康齋集卷二